

आकाशवाणी

- लोकसभा दे 7में ते खीरले गेड़ दे चुनां लेई प्रचार अज्ज मुक्की जाग ।
- महाराष्ट्र सरकार 19 मई आले पॉर्श कार हादसे दे नाबालिग आरोपी दे खून दे नमूनें कन्ने छेड़छाड़ दे आरोप च ससून अस्पताल दे दऊं वरिष्ठ डाक्टरें गी मुअत्तल करी दित्ता ऐ ।
- मौसम विभाग नै आखेआ ऐ जे दक्खन-पच्छमी मानसून दे पैहली जून आली अपनी तैह तरीक शा दऊं दिन पैहले गै अज्ज केरल च पुज्जी जाने दी मेद ऐ ।
- भारती मौसम विभाग नै पेशगोई कीती ऐ जे उत्तर-पच्छम ते मध्य भारत दे इलाके च अज्जै थमां जबरदस्त गर्मी ते लूह जनेह हालात थमां बिंद राहत थहोई सकदी ऐ ।
- भारत ते बंगलादेश बश्कार वाणिज्य दूतावास संवाद दा चौथा गेड़ कल नमीं दिल्ली च सम्पन्न होई गेआ ।
- शतरंज च भारती खडारी प्रगनानंदा होरें नार्वे चैस-2024 दे त्रीए दौर च दुनिया दे पैहले नंबरे दे खडारी मैगनस कार्लसन गी शिकस्त दित्ती ।

<><><><><><>

7th Phase

लोकसभा चुनां दे 7में ते खीरले गेड़ आस्तै प्रचार अज्ज संजा खत्म होई जाग । इस शनिवार पैहली जून गी मतदाता बीजेपी दे वरिष्ठ नेता ते प्रधानमंत्री नरेन्द्र मोदी हुंदे सनें 904 मेदवारें दे भविक्ख दा फैसला करगंन । एह मतदाता 8 राज्ये ते केन्द्र शासत प्रदेश च 57 पार्लिमानी हल्के च होग । एह चुनां पंजाब ते उत्तर प्रदेश च 13-13, पच्छम बंगाल च 9, बिहार च 8, ओडिशा च 6, हिमाचल प्रदेश च 4, झारखंड च 3 ते चंडीगढ़ च 1 सीट आस्तै होग । पंजाब च प्रचार दे खीरी ध्याड़े यानि अज्ज प्रधानमंत्री मोदी होर होशियारपुर च इक पार्टी रैली गी संबोधत करगंन । बीजेपी राष्ट्रीय प्रधान जे.पी.नड्डा होर अज्ज अमृतसर, फरीदकोट ते रूपनगर च पार्टी मेदवारें दे हक्कै च रैलिएं गी संबोधत करगंन । दूई बक्खी

आम आदमी पार्टी नेता ते पंजाब दे मुख्यमंत्री भगवंत सिंह मान होर बक्ख-बक्ख जिले च रोड शो करगन। एहदे शा पैहले कल कांग्रेस दी महासचिव प्रियंका गांधी होरें मंडी पार्लिमानी हल्के दी कुल्लु थाहर पर इक रैली कीती। उनें आखेआ जे हिमाचल प्रदेश च विधानसभा चुनां शा पैहले कांग्रेस नै वृद्ध पेंशन स्कीम दा मुद्दा चुक्केआ हा ते सत्ता च आंदे गै इसी पूरा कीता गेआ। उत्तर प्रदेश च बीजेपी दे वरिष्ठ नेता ते केन्द्री मंत्री अमित शाह होरें कल 4 रैलिंगे गी संबोधत कीता ते 1 रोड शो च हिस्सा लैता। दूर्ई बक्खी समाजवादी पार्टी प्रधान अखिलेश यादव होरें दुधी च पार्टी मेदवार दे हक्कै च प्रचार कीता।

<><><><><><>

EC-Home Voting

चुनां आयोग नै लोकसभा चुनां 2024 च वोटरें दी हिस्सेदारी बधाने आस्तै महत्वपूर्ण गैह चुक्के न। जेहदा मकसद ऐ जे वोट पाने दे काबल कोई बी वोटर शारीरिक जां कुसै होर अडचन दे कारण वोट पाने कोला महरूम नेइ रेई जाए। आयोग नै आखेआ ऐ जे अजें तोड़ी चुनां दे 6 गेडें मगरा मतदाताएं च बड़ा गै चाह ते जज्बा दिक्खने गी लब्धा करदा ऐ जेहदे च शारीरिक अक्षसता आले बुर्जुग, ट्रांसजेंडर ते दूर दरेडे जनजातीय समुदाय शामिल न। 85 बरे शा मती उमरी दे बुर्जुगें ते 40 फीसदी शारीरिक अक्षमता आले आस्तै आयोग तरफा वोटिंग फॉर कंफरट ऑफ होम यानि घरे थमां मतदान करने दी सुविधा बी रखी गई ऐ। मुख्य चुनां आयोग राजीव कुमार होरें आखेआ ऐ जे चुनां च विविधता च एकता दा जज्बा दर्शाने आस्तै आयोग पूरी चाल्ली वचनबद्ध ऐ जेहड़ा गे साढे देश दी पंछान ऐ।

<><><><><><>

Maharashtra

महाराष्ट्र सरकार नै पुणे दे ससून अस्पताल दे दऊं वरिष्ठ डाक्टरें गी मुअत्तल करी दित्ता ऐ। एह मुअत्तली जंदी 19 मई दे पॉर्श कार हादसे दे नाबालिग अरोपी दे खून दे नमूनें कन्ने छेड़छाड़ सनें बबक्ख-बक्ख अरोपें च कीती गई ऐ। डाक्टर अजय तवरे ते डॉ. श्रीहरि हल्लोर गी फौरी प्रभाह कन्ने मुअत्तल करी दित्ता गेआ ऐ। अस्पताल दे डीन डॉ. विनायक काले गी छुट्टी पर भेजी दित्ता गेआ ऐ। इनें डाक्टरें दे खलाफ कारवाई डॉ. पल्लवी सपले दी अध्यक्षता च 3-मैबरी विशेष पैनल दी दऊं दिनें दी जांच दे बाद होई। दौनें डाक्टर 31 मई तगर पुलस दी हिरासत च रौंहगन। मुअत्तली दी अवधि च इनें दौनें गी कोई बी निजी

कम्म करने थमां रोक़ी दित्ता गेदा ऐ। हुनै तगर दी पुलस जांच दे मताबक डॉ. तावरे ते डॉ. हैलनोर नै नाबालिग दे खून दे नमूनें गी नश्ट करी दित्ता हा ते कुसै होर व्यक्ति दे खून दे नमूनें पर अपनी रिपोर्ट दित्ती ही।

<><><><><><>

Maharashtra Accident

महाराष्ट्र दे सांगली जिले च तासगांव दे कोल तासगांव—मनेराजुरी शिडक पर इक कार दुर्घटना च त्रै बच्चें सनें 1 परिवार दे 6 मनुक्खें दी मौत होई गई ऐ। एहदे च 1 महिला गंभीर रूपै च घायल होई गई ऐ। एह हादसा रातीं तकरीबन डेढ़ बजे होआ जेल्लै तेज रफतार आटो कार न्हरे च तसारी नैहर च जाई पेई। हादसे दा शिकार होए दे लोक सवेरे तोड़ी नैहर च शिडक दे थल्ले लावारिस पेदे रेह। बउलै उनेंगी लोकें दिक्खेआ ते पुलस गी खबर दित्ती। पुलस इस हादसे दी जांच च लग्गी दी ऐ।

<><><><><><>

Monsoon

दक्खन—पच्छमी मानसूनदे अपनी तैह तरीक पैहली जून थमां दऊं दिन पैहले अज्ज केरल पुज्जने दी मेद ऐ। मौसम विभाग नै आखेआ ऐ जे मानसून अज्ज पूर्वोत्तर राज्यें दे किश हिस्सें च पुज्जी सकदा ऐ। आकाशवाणी समाचार कन्ने चेची गल्लबात च मौसम विभाग दे महानिदेशक मृत्युजय महापात्रा होरें दस्सेआ जे दक्खन अरब सागर, मालद्वीप ते कोमोरिन, लक्षद्वीप, केरल ते बंगाल दी खाड़ी दे किश होर हिस्सें च दक्खन—पच्छमी मानसून दे अग्गे बधने लेई हालात साजगार न। मौसम विभाग नै कल्लै थमां अगले 5एं दिनें च केरल, अंडमान ते निकोबार टापुएं ते माहे च बक्ख—बक्ख थाहरें पर भारी बरखा बरने दी संभावना दस्सी ऐ। पैहली ते दो जून गी तमिलनाडू ते कर्नाटक च बी बरखा दी मेद ऐ। विभाग मूजब अगले 5एं दिनें दरान बिहार, झारखंड, पच्छिम बंगाल दे गंगा कन्ने लगदे इलाकें ते ओडिशा च बरखा बरने दी मेद ऐ।

<><><><><><>

IMD

भारती मौसम विभाग नै आखेआ ऐ जे उत्तर-पच्छम ते मध्य भारत च जारी खरी मती गर्मी च अज्जे कोला कमी औग। आकाशवाणी कन्नै गल्लबात करदे होई विभाग महानिदेशक मृत्युजय मोहापात्रा होरें आखेआ जे उत्तर-पच्छम भारत च 2 जून तोडी कुतै-कुतै होली बरखा पौने दी मेद ऐ की जे पच्छम हवाएं च खोदल अज्ज इस हिस्से च अपना असर दस्सग। तोआई विभाग नै दिलली दे मुंगेशपुर थाहर पर रिकार्ड 52.9 डिग्री सैल्सियस तापमान गी मशीनरी दी खराबी दस्सेआ ऐ। उनें आखेआ जे बाकी थाहरें दे मकाबले मुंगेशपुर च 52.9 डिग्री सैल्सियस तापमान सटीक नेई ऐ। विभाग दे 5 मुख्य स्टेशन-सफदरगंज, पालम, आयानगर, रिज्ज ते लोधी रोड पर स्थिती नै जिनेंगी क्लाइमेट स्टेशन यानि जलवायु केन्द्र मनाया गेआ ऐ। धर्त विज्ञान मंत्री किरण रिजिजु होरें मुंगेशपुर च रिकार्ड तापमान अधिकारिक तौर पर जारी नेई कीता गेआ ऐ।

<><><><><><>

Delhi Water

दिल्ली जल बोर्ड नै अज्ज कोला शैहर च पानी दी कमी दा निरीक्षण करने आस्तै 2 सौ टीमां गठित कीतियां न। जेह्दे कन्नै राजधानी च पानी दी कमी दी समस्या दा हल कीता जाग। एह टीमां पूरे शैहर दा दौरा करगंन ते पानी दे दुर्पयोग करने आले जियां पाइपें कन्नै गड्डियां धोना, घरेलू इस्तेमाल लेई थहोने आले पानी दा कारोबारी इस्तेमाल करने आलें गी जुर्माना कीता जाग।

<><><><><><>

India-Bangladesh

भारत ते बंग्लादेश बश्कार वाणिज्य सरबंधी वार्ता दा चौथा दौर कल नमीं दिलली च सम्पन्न होआ। भारत दी तरफा वाणिज्यिक, पासपोर्ट ते वीजा प्रभाग दे संयुक्त सचिव डॉ. अमन पुरी होरें अगुवाई कीती। जदके बंग्लादेश दा नेतृत्व महानिदेशक दक्षिण एशिया रकीबुल हक नै कीता। दौनें पक्खें वाणिज्यिक वीजा ते अपराधिएं गी मुख्य वाणिज्य सरबंधी प्रत्यर्पण मामले पर तालमेल ते सैह्योग मजबूत बनाने बारे चर्चा कीती। दौनें पक्ख दौनें देशें दे नागरिकें दी

आओजाई असान बनाने आस्तै दपक्खी संशोधन यात्रा दी सहूलियत गी मता खरा बनाने पर सैहमत होए। गल्लबात दा अगला दोर ढाका च आयोजित करने पर सैहमति बनाई गई ऐ। भारत-बंगलादेश वाणिज्यिक संवाद बवस्था ब'रे 2017 च शुरू होई ही। एहदा मकसद भारत ते बंगलादेश बश्कार वाणिज्यिक, वीजा ते आपसी कनूनी सहायता सैहयोग मामलें पर इक लगातार जरिया बनाइयै आपसी तालमेल गी मजबूत बनाना ऐ।

<><><><><><>

Norway-Chess

शतरंज च भारती खडारी प्रगनानदे होरें क्लासिकल इवैअ च पैहली बारी नार्वे दे मैग्नस कार्लसन गी हराया। 18एं ब'रे दे इस होनहार भारती शतरंज खडारी नै नार्वे चैस-2024 दे त्रीए दौर च चिट्टे मोहरे दे कन्नै दुनिया दे पैहले नंबरे दे खडारी कार्लसन गी मात दित्ती। प्रगनापंदा गी मकाबले दे शुरू च गै बढ़त थहोई गई ही ते आखरकार उनें इस बढ़त गी जित्त च तब्दील करी दितता। उनें 5.5 अंकें कन्नै बढ़त हासल करी लैती ऐ।

<><><><><><>

Britain

ब्रिटेन च आम चुनां करोआने लेई संसद गी कल अददी रातीं मंग करी दित्ता गेआ। एहदे कन्नै गै देसे च 4 जुलाई गी आम चुनां लेई 5 हफतें दी चुनावी प्रक्रिया दी अधिकारिक शुरूआत होई गई ऐ। रातीं 12 बजिजयै 1 मिंट संसद दियां सब्बै 650 सीटां खाली होई गेइयां। भारी बरखा मझाटै प्रधानमंत्री ऋषि सुनक हुंदी चुनाएं दी घोषणा गी केई लोकें अभियान दी शुरूआत दे रूपै च दिक्खेआ ऐ।

<><><><><><>